

LEAP Summit 2019. – Zagreb

U periodu od 29.03. do 30.03.2019. godine, održana je jedna od najvećih međunarodnih konferencija za mlade ljude širom Evrope. LEAP Summit je 2018. godine okupio oko 3000 delegata iz više od 40 zemalja, kao i 103 svjetski poznata predavača. Ove godine je učešće na ovoj konferenciji uzelo više od hiljadu sudionika iz cijelog svijeta, koji su bili fokusirani na teme vezane za međunarodnu saradnju i Evropsku Uniju, preduzetništvo, moderne trendove i inovacije, inspirativne priče i razvoj karijere.

Naši studenti su zajedno sa Dekanom prisustvovali ovoj konferenciji i imali su priliku da slušaju izlaganja svjetski poznatih govornika iz multinacionalnih kompanija, uspješnih preduzetnika i vodećih investitora iz Evrope, poput Branka Baričevića (projekat EuandME, u kojem su učestvovali i naši studenti i osvojili drugo mjesto), Nenada Bakića, Mihaela Furjana, Mladena Pejkovića i mnogih drugih. LEAP Summit pruža veliki broj mogućnosti studentima i drugim mladim ljudima, bilo da se radi o projektima iz raznih oblasti, studiranju, razmjeni studenata, te praksi i zaposlenju u drugim državama. Pomenut je ERASMUS i ERASMUS + program, rečeno je da će budžet ovog programa u ovoj godini biti duplo veći u odnosu na prošlu, zbog čega će veći broj naših studenata i profesora moći da učestvuje u istom.

